

Gazel

Bâğda güller ruhun seyriyle hayrân oldu hep
Kâkülün reşkiyle sünbüller perişân oldu hep

Bir nigâh-ı nâza şâyân olduk ammâ neyleyim
Sînemiz âmâc-gâh-ı tîr-i müjgân oldu hep

Ârız-ı âlin senin ey gonce-leb etdim hayâl
Hâne-i hâtır yine reşk-i gülistân oldu hep

Çâşnî-bahş oldu ol kân-ı melâhat bezme çün
Sâgar-ı mey aks-i la'liyle nemek-dân oldu hep

Fıtnat ol şîrîn-dehen nutka gelince nâz ile
Feyz-i güftârıyla âlem şekkeristân oldu hep